

LOMANO ASSM – “VIVE L’AVENIR 2023”

Nisy ny zava-bitana montsana

Nisy ny zava-bitana montsana nandritra ny fifaninanana lo-mano “Vive l’avenir 2023” andianay faha-11, nokarakarain’ny klioban’ny ASSM tetsy amin’ny dobo filomanosan’ny Ans Am-pefiloha, tamin’ny sabotsy 11 sy alahady 12 martsa 2023, ka teo amin’ny lomano “relais 50 m quatre nages filles”, no nohatsarain’ny mpilomano vehivavin’ny Managing (Antsa, Estellah, Ty Anah, Finaritra) ho 2 :14 :48 ny zava-bitant’izy ireo izay 2 :21 :19 teo aloha. Namiratra ihany koa i Rakotobe Tendry Tiavina (Ste Jeanne d’Arc), izay nahavita zava-bitana tsara indrindra teo amin’ny lo-mano 50 m dos sokajy 14 taona ho 00 :30 :25 raha 00 :30 :58 izany teo aloha. Tamin’ny ankabopeny dia saika norombabin’ny mpilomanon’ny ASSM avokoa ireo amboaran’ny fifaninanana an’olon-to-kana rehetra. Mbola no-rombahin’ny klioban’ny ASSM ihany koa ireo amboaran’ny « meilleur coach » sy « meilleurs relais », rehefa azon’izy ireo avokoa ny fifaninanana 6



Lomano Vive l’Avenir.

tamin’ny 8 natrehana. No-rombahin-dRandrianarisoa Daniel kosa ny amboaran’ny « meilleur nageur » teo amin’ny sokajy latsaky ny 13 taona zaza-lahy (medaly volamena niisa 6 be izao no azony ary i Andrianaho Marie Ange Praxas, no nandrombaka ny teo amin’ny sokajy zazavavy. Teo amin’ny sokajy mihoa-tran’ny 14 taona kosa dia Rabejaon Holy Antsa

(Managing) no nandrombaka ny amboara « meilleure nageuse ». Niavaka tamin’ity « Vive l’avenir » andiany faha-11 ity ihany koa ny nahavitana nanta-osa lalao famara-nana « nocturnes » tamin’ny sabotsy 11 martsa teo, toy ny fanao any amin’ny fifaninanana iraisam-pirenen-a, hoy ny tompon’andraikitra teknikan’ny St Michel, Ranaivo Aimé. Marihana fa ho fanoma-

nana ny fifaninanana na-sionaly ho tontosaina any Toamasina amin’ny tapak ny volona aprily 2023 ho avy izao, ka hian-drasana mpilomano manodidina ny 255 isa avy amin’ny klioba miisa 15 avy eto Analamanga sy avy any Atsinanana, Boen-y, Vakinankaratra ary Alaotra Mangoro ity het-sika ity.

Rainilita

Championnat de Madagascar de Nach No-Gi Jiu-Jitsu

Nahery ny ekipan’ny Checkmat fa nahazo medaly volamena 11

Nahery ny ekipan’ny Checkmat, fa nahazo me-daly volamena niisa 11, tamin’ny fifaninanana « Championnat de Ma-dagascar de Nach No-Gi Jiu-Jitsu » andiany voalo-hany, nokarakarain’ny FMJJ “Fédération Mal-agasy de Jiu-jitsu” tarihan’ny filohany, Johary Rakotozafy, ka nandrain-ana mpikaraka nahatratra 200 isa avy amin’ny klioba niisa 11 amin’ny 16 misy eo amin’ity taranja ity avy amin’ny ligy 3 (Analamanga, Atsinana, Vakinankaratra), izay notontosaina tao amin’ny “petit palais Majhamasina” tamin’ny sabotsy 11 martsa 2023 lasa teo. Mahiranana fa natao indrindra nitiliana an’ireo mpilalao handrafitra ny ekipam-pi-



Mipikaraka ny Nach No-gi teny Mahamasina.

renena Malagasin’ny taranja Jiu-Jitsu hanomana ny handraisan’i Madagasikara anjara amin’ny fifaninanana “Championnat du monde de Jiu-Jitsu” hatao any Abu-Dhabi amin’ny 23 novambra

2023 ho avy izao ity fifaninanana ity, araka ny nam-baran’ny mpikaraka teny Mahamasina tamin’ny sabotsy. Ny ekipan’ny One Tribe nahazo medaly volamena 7 no nitana ny laharana faha-2

ary ny ekipan’ny Cuerre-ros (medaly volamena 5) no laharana faha-3. Voahosotra ho “meilleur combattant” i Nantenaina avy amin’ny Checkmat ary ho “meilleur technicien” i Matthieu avy amin’ny Guerre-ros. Ireo tompondakan’ny Nach No-gi tamin’ity andiany voalohany ity : -« Avancé COQ » : Tojo (One Tribe), -« Avancé Plume » : Diary (South-side), -« Avancé Léger » : Tsinjo (One Tribe), -« Avancé Mi-moyen » : Nicky (One Tribe), -« Avancé Moyen » : Séraphin (One Tribe), -« Avancé Mi-lourd » : Zo Aina (Guerreros), -« Avancé Lourd » : Fabien (One Tribe), -« Master » : Kiki (Checkmat).

Rainilita

Orange Pro-League 2022-2023” andro faha-9

Tsy tontosa ny lalao tany Toliara



Orange Pro-League 2022-2023.

Tsy tontosa noho ny resaka kianja ny lalao bao-lina kitra, “Orange Pro-League 2022-2023” andro faha-9, tokony ho natao tao amin’ny kianja Maître Kira Andaboly tamin’ny faran’ny herinandro teo. Ireo lalao hafa rehetra kosa dia nizotra tamin’ny antsakany sy andavanv avokoa. Voka-dalao « Conférence Nord » : -As

Fanalamanga 0-0 Cosfa, -Fosa Juniors FC 1-0 Us- cafoot, - Tia Kitra Fc Toamasina 0-1 Ajesaia. Voka-dalao “Conférence Sud” : -Jet Kintana 1-5 Disciples FC, - MAMA FC 1-3 Elgeco Plus, - CFFA-Andoharanofotsy 2-1 Zanakala FC HM, -3Fb Toliara - Dato Fc (tsy ton-tosa).

Rainilita

Assanati Famo Gidraka

Mampitandrina ireo kaonty fako facebook misoloky ny anarany

Misy amin’izao fo-toana ireo kaonty fako, na compte fake amin’ny face-book misoloky ny anaran’i Assanati Famo Gidraka. Manoloana izany, na-nao fanambarana ny tenany: “amafisiko etoana hatrany fa tsy tompon’Andraikitra amin’ireo kaonty izay mitondra ny anarako Aho, ka misoloky maka vola aminareo hoe: ”Droit mba haha-zoana vola na fanomezana . Tsy manana kaonty ankoatra ity ny tenako, ary tsy any Madagasikara ka hampiasa numero any Mada velively. Marihiko hatrany fa tsy misy vola aloha ato amin’ny Fikambanana na ato amin’ny facebook, fa maimaimpoana avokoa, ary tsy misy tambiny. Koa Samia mailo sy mitandrina fa tsy kely laiana ny ratsy havako aby. Efa manao ny asany ny tompon’andraiki-pahefana manoloana izao fisolo-kiana izao. Ny teny filamatra atsika moa dia ny hoe : atsika rehetra miaraka amin’ny Assanati Famo Gidraka ary ny Werawera tsy maintsy mandeha.”

Helisoa



Assanati Famo Gidraka.

Mpanakanto Frantsay Tayc

Nandalo teny amin’ny Akany Avoko Faravohitra notarihan’ny Telma

Tamin’ny fandalovan’ilay mpanakanto Frantsay teratany Kameroney, Julien Bouadjie fantatry ny maro amin’ny hoe: Tayc, teny amin’ny Akany Avoko Faravohitra tamin’ny zoma 10 martsa 2023 lasa teo, nialohan’ny niakarany an-tsehatra teny amin’ny « Palais de Sports Mahamasina » tamin’io andro io ihany, izay tafiditra tao anatin’ny fanamarihana ny andron’ny zon’ny vehivavy manerantany “8 martsa 2023”, no nanambaran’ny solontenan’ny orinasa Telma, izay nitarika an’ity mpanakanto ity teny an-toerana, amin’ny maha-mpiara-miombon’antoka mavitrika azy amin’io ivon-toerana fitaizana zatovovavy nania sy niharan’ny herisetra samihafa teo-anivon’ny fiaraha-monina nisy azy ireo. Fa : « fa ity orinasa ity dia tsy manana fironana ara-pôlitika ary tsy miandany amin’iza na amin’iza amin’ny fiaterehana ny fididianana izany, fa ny tena imasoan-dry zareo dia fanaparitahana ny tolotra ara-pifandraisana, mba ho jifain’ny mponina rehetra manerana ny Nosy, ka hampivoa-tra ny fiainana andavanandron’ny daholobe, ka tsy mibanjina afa-tsy ny fampandrosoana ara-toekarena an’i Madagasikara. Nohozany dia nampahatsiavin’izy ireo, fa henjehan’ny lalana manankery ny fampiasana tsy nahazoana alalana avy amin’izy ireo ny famanterana rehetra mikasika an’ity orinasa, ka azo ampiharina an’izany lalana izany izay minia mandika an’izany. Tao Faravohitra dia afaka nifanerasera nivantana sy nifanakalo hevitra tamin’ireo zatovovavy ao amin’ity akany ity ary niara-nihira ny hirany sy niara-naka sary sy nangalan’izy ireo “autographe” ihany koa Tayc. Tao-rianan’ny famelabelarana fohifohy mikasika an’ity akany Ny Avoko ity nataon’ny Taleny, Ramatoa Hery Fanomezantsoa Faranainaina, ka nahafantarany tamin’ny ambagonvangony ny zavatra atao a dia nanambara i Tayc fa reharehan’ireo ankizy taizana ao ny fanan’izy ireo ny akany Ny Avoko, satria fantany tsara ny faiimpianana iainan’ny vehivavy noho izy niara-niaina an-taonany maro tamin’ny vehivavy niisa 9 be izao. Voaasan’ity mpanakanto ity hanatrika ny fampisehoana nataony teny Mahamasina tamin’io zoma io ireo zatovo vavy tezaina eny Faravohitra. Amin’ny ankabopeny dia fantatra, fa miisa 50 isa izy ireo no tazaina ao amin’ity toerana ity ankehitriny ary misy ny mamonjy fianarana ivelan’ny akany.

Rainilita



Mpanakanto Frantsay Tayc nandalo teny Faravohitra.